

# Tin bastante confusion di ora cu e candela a cuminzá y den cuanto tempo el a expandé

ORANJESTAD - Tin masha confusion encunto e ora cu Cuerpo di Bombero a haya notificacion di candela, pero tambe ora cu diferente negoshinan a cuminzá pega na candela.

Pasobra e opinion ta, cu si Cuerpo di Bombero a actua na tempo, por a evitá expansion. Esaki ta worde confirmá tambe pa Jaime Laclé, pasobra e por a tende for di algun hende, cu e lugar tin mei ora ta kimando caba.


Tabata un patruxa policial cu a yama Centro di Alarma, ora cu el a mira cu huma tabata saliendo.

Pesey Jaime Laclé ta bisa, cu si Cuerpo di Bombero a worde avisá mas temprán, sigur por a haci un mihor trabao.


for di patras di e área di Acapulco, esta for di e parking-lot di Club Visage, den e hanchi pegá cu El Patio Restaurant.

Dos minuut despues, esta pa 5.37, riba instruccion di su casá, Ron von Kaenel, el a yama den promé instante Warda di Polis, na telefon 24000, splicando nan e situacion. Y despues el a yama Cuerpo di Bombero. Diez minuut despues e promé unidad di Bombero ta yega y para dilanti di Club Visage y despues nan a bai parti patras.

Durante e conferencia, Rudolf Maduro ta bisa cu pa 5.52, AC ta informá cu lo tin un persona ta hogando na Boca Mahos. Pasando cruzada di Tanki Leendert ta drenta informacion, cu Certified Gro-



**TANKI FLIP** - Esaki ta un schets di e situacion di e edificionan cu a bira despues a bira víctima di e siniestro mas grandi den historia di Aruba.



**ORANJESTAD** - Aki por mira unidadnan di bombero, usando awa di laman pa por combati e candela

Pesey ta masha importante ki ora informacion ta drenta oficialmente cu tin candela, pasobra unidadnan di bombero ta yega den 5 minuut, despues cu haya promé informacion.

Pa ilustrá cu tin diferencia den ora cu informacion a drenta, Bon Dia Aruba kier bai ilustrá siguiientemente.

Segun dagrapport di Polis, e promé informacion cu Central Post a haya tabata 5.51.

Sra. Blanca von Kaenel-de Mey, doño di Club Visage y Rosey's Cantina ta declará na Bon Dia Aruba, cu e candela a cuminzá pa mas o menos 5.35 y e momento ey a mira un cantidad di huma tabata sali

ciesta na candela, never mind e caso di hogamento y bai p'e candela.

Den 5 minuut, esta pa 5.57 e promé unidad a yega na e sitio.

Jaime Laclé ta declará cu e promé informacion a drenta mas o menos 5.55. Na caminda, e promé unidad a nota for di ser'i Ponton, cu e candela tabata masha grandi caba.

Momento cu e mes a yega, ya e candela a coi Certified Groceries. Den Codemsa na e momento ey tabatin hende den e lugar, sacando algun cos.

Ora cu un persona a habri porta parti pariba di Codemsa, Jaime Laclé por a constatá cu ya parti di e negoshi tabata na

candela caba, esta e parti entre Certified Groceries y Codemsa. Esaki tabata pa 6.08.

Turesaki, segun Jaime Laclé asosodé den lapso di 18 minuut. E ponencia aki a worde contradecí dor di Johnny Chemaly, Director di Codemsa.

## COASTAL

A worde cuestioná, dicen no por a pidi asistencia di Cuerpo di Bombero di Coastal mas temprán.

Segun Ing. Juan Lopez, no ta den logbook di Bombero, ki ora asistencia di Coastal a worde pidí, pasobra el a pidi Polis pa haci esaki p'e.

Johnny Chemaly a muestra

cu den logbook di Coastal ta pará cu tabata pa 6.40, a pidi asistencia, siendo cu esaki por a tuma lugar mas promé.

Johnny Chemaly tin bon palabrap'e trabao desplegá p'e miembronan di Cuerpo di Bombero, pero e ta culpa Comandante Ing. Juan Lopez di no kier a tuma accion mas liher.

Mas ainda ora cu Lopez mes ta admiti cu nan no tin suficiente personal, pa pidi asistencia mesora den e caso aki di Coastal.

Informacion cu Cuerpo di Bombero tin registrá, ta bisa cu Brown di Cuerpo di Bombero di Coastal a tuma contacto cu Centro di Alarma pa 7.13 y a yega te 7.48.

Segun Ing. Juan Lopez, e no por bisa ki ora Coastal a worde avisá, pero e tabata consciente cu Coastal di e riesgo cu Coastal tambe tin p'e barrio di San Nicolas. Esey tambe ta parti di su responsabilidad.

Ayera mainta, Ing. Juan Lopez ta worde informá cu Coastal na momento e tabata saliendo, mester a bolbe pa motibo di un accidente cu a sosodé den Coastal. Esey por ta e demora di asistencia di Coastal.

Unabes nan a yega, e bom-

beronan di Coastal tambe a constatá cu e candela aki tabatin un inmensidad asina grandi, cu apesar di nan aporte, no a duna e fruto deseá, segun Ing. Juan Lopez.

Pero Johnny Chemaly ta keda di opinion cu maske cu Juan Lopez por keda tira culpa riba otro hende, e ta keda di opinion cu Lopez a tarda pa realizá e inmensidad di e candela aki.

Pasobra momento cu Johnny Chemaly a yega na e sitio, ainda Certified no tabata na candela. El a hasta cana den e negoshi aki. Pesey Chemaly ta haya cu e fayó di mas grandi cometí tabata, cu no a muha Certified na e banda di El Patio Restaurant.

Ing. Juan Lopez ta muestra riba e rapidéz cu un candela ta corre. No mester wak solamente e lenga di e candela, pa sa cu un lugar ta kimando. Esey ta sorpresa di candela.

Jaime Laclé ta keda para riba cu nan a haya informacion pa 5.55 y ya pa 6.08, Codemsa tabata na candela. Unponencia cu a keda worde cuestioná.

Cu e ilustracion aki, Bon Dia Aruba kier muestra cu tin diferencia den interpretacion di minuut y ora con e candela a expandé. □

**Bon dia Aruba**  
**Tel: 27800 Fax: 27044**